

類編箋釋國朝詩餘

類編箋釋國朝詩餘卷之五目錄

長調

解語花

五調

木蘭花慢

五調

桂枝香

三調

水龍吟

七調

齊天樂

一調

玉蝴蝶

二調

花犯

一調

喜遷鶯

二調

春雲怨

一調

賽天香

一調

花心動

一調

雙調翠樓吟

一調

尉遲杯

一調

霓裳序中第一

一調

望湘人

七調

薄倖

七調

風流子

一調

沁園春

七調

賀新郎

三調

瑞龍吟

一調

多麗

一調

怨朱絃

一調

小諾皋

一調

清風八詠樓

一調

漢宮春

一調

鶯啼序

一調

箇儂

一調

六州歌頭

一調

霜天曉角

三調

類編箋釋國朝詩餘卷之五目錄

終

類編箋釋國朝詩餘卷之五

長洲錢允治功甫編

同邑陳仁錫明卿釋

長調

解語花

賞梅杏

林鍾羽調

王止仲

寒消雪點暝弄煙絲又去年時候蕙芽初透輕澌盡
蹙蹙翠波風皺黃暈柳微隱映瓊芳孤秀最愛他纖
指輕輕折暗香盈袖○艷質故應低首却休慚穠麗

不似清瘦也還知否可人處飛燕

漢帝妃姓趙

玉環

楊貴妃

都有羅浮夢

梅也

復更莫問前村

杏也

沽酒但好教膩白

嬌紅鎮年年如舊

題美人捧茶

王元美

中冷

泉名在江中

乍汲漱雨

茶名以前佳雨

初收寶鼎松聲細

湯響

似松聲

柳腰嬌倚熏籠畔關把碧旗碾試

新茶一槍旗一槍

蘭芽

玉蕊

皆茶名

勾引出清風一縷翠蛾斜捧金甌暗送

春山意○微裊露鬟雲髻瑞龍涎猶自沾戀纖指流

鶯新脆低低道卯酒可醒還起雙鬟小婢越顯得那

人清麗臨飲時須索先嘗添取櫻桃味

指美人口也

題美人捧觴

王元美

檀槽細壓紫溜泠泠滴碎珠千斛鸛鴒初贖

司馬相如典鸛

鶻裴誰揩醒卓女遠山黛綠朱櫻小蹙風裊處山香

幾曲捧屈卮徐露春芽一樣纖纖玉○何事錦圍翠

簇只枝頭一點買斷金谷靈犀輕觸

靈犀一點通謂心也

微酣

後記取夜來題目雙鬟趁逐扶俺向碧紗厨宿

帳也非今

厨誇醉鄉還傷溫柔

漢成帝指趙飛燕吾當老于是鄉

此際平生足

題美人捧茶圖和長公韻

王敬美

春光欲醉午睡難醒金鴨沉煙細畫屏斜倚銷魂處
漫把鳳團剖試雲翻露蕊早碾破愁腸萬縷傾玉甌
徐上閒階有箇人如意○堪愛素鬟小髻向璫牙相
映寒透纖指柔鶯聲脆香飄動喚却玉山扶起銀瓶
小婢偏點綴幾般佳麗憑陸生空說茶經何似儂家
味陸羽雖著茶經何似酒之味乎

題美人捧觴圖和長公韻

王敬美

蒲萄剖紫竹葉醪青冰液傾千斛金龜堪贖休教負
眼底輕紅嫩綠眉峰半蹙慢引出清商數曲纖指雙

偷送春光一點香生玉○剛道錦屏晝簇又傳觴弄
景月上金谷何須多囑粧殘後不道更驚郎目芳心
競逐拚醉也倩扶歸宿惟願他長在樽前恣取歡情
足

木蘭花慢

宮保王公浚川憶留都舊游製木蘭花一闋
見贈輒次韻答之

嚴惟中

記當時携手陪夜醉愛春游看鷺渚波晴鳳臺花暗
覽勝尋幽屢枉佳人投贈青玉案

案卽盤瓊玉赤玖黑
俗作琬瓊玉玖玉

言集卷之五
愧難酬郢客調高白雪巴歛調平也堪息吟謳○塵勞
奔抗幾時休重回頭歎往事成陳風流雲散煙浪悠
悠不知今夕何夕重來此燕月對清秋慢憶丹山碧
水却憐高蓋華輶

月夕期浚翁文會疊前韻

嚴惟中

笑萍蹤南北賴陶謝與同游正鳳閣紉書烏臺執簡
地峻人幽却喜自公退食詩逖逖逖退食自公多暇日心賞

若爲酬但得高朋嘉話底須趙瑟秦謳○眼中世事
醉中休向城頭見宿雨清塵明蟾出海良夜悠悠已

辨金魚玉珮沽美酒高詠薊城秋聊共西堂秉燭且
須南陌停輶

答張少宰甬川疊前韻予往歲奉使湘南與
少宰會衡嶽下登覽彌旬

嚴惟中

念楚天衡嶽弭使節泰山游正天柱開雲

忠開衡山之雲東坡

韓文公碑語也

朱陵飛瀑洞古峯幽元是金蘭契誼重會合

紆綽遞相酬人道玉堂仙侶詩成四野傳謳○別來
夢想未能休却轉頭看世事如棋年華似水鴻燕悠
悠何意仍携末路笑老圃黃菊耐深秋共向彤庭結

綬還來紫陌聯輶

次桂翁韻

卽夏桂洲後爲嚴中傷此乃媚竈語

嚴惟中

道鷗園高興常秉燭寄行遊更丹桂洲前枇杷峯下
覽勝尋幽忽報天書赴隴聞召命清賞未能酬夙夜
榮承諭對明良喜奉歌謳○勤勞那得片時休却回
頭念鶴怨松關猿啼蘿幌往事悠悠漫憶南樓煙月
題好句遙寄故園秋廊廟正須調鼎山林未可回輶

春日閒居寄簡西嶼

楊用修

重三今日是寒食過又清明念故國關心歸期難卜

望遠愁生天畱煙霞勝處滙平湖列岫碧縱橫花裏
筆床茶竈松間雲影樵聲○可人咫尺喜逢迎來往
片雲輕看柳壩長綃交塘歸棹雙塔高城長安水邊
不記想綠珠碧玉事堪驚笑弄豚兒犬子飽餐燕麥
魚羹

桂枝香

卽珠簾
淡月

辛卯重陽天平登高示兒世良及壻蘊章

徐元玉

登高勝事此會比常年倍多佳趣舉子初回且喜見

兒和壻況是清秋天氣十分晴十分景致奇峯千疊
澹雲一抹恰是素綃籠翠○黃花也自知時序故向
霜前半開半閉開閉之間又是一番新意向來毫傑
今存幾休管他陽醒若醉不如與箇風流謝傅東山
游戲天全翁以
謝安自比

自註懋賢兄于予爲先姑子同奔急難俄爾
告歸黯然問別

王元美

東風一騎幾日發長安欲畱無計猶見柔黃嫩綠壓
冰成水青山處處青螺小隱孤村夕陽鴉背那時離

別除非醉後不教愁死○記歲暮停橈淮汴急難留

舅窮途兄弟

鵲鵲詩急難兄弟

雨妬霜驕了却半年滋味臨

歧不盡心頭事怯鄉愁難更提起渭城人酒點點滴

滴渭陽人淚

川渭城影出渭陽妙甚

九月四日賞湯氏園桂次荆公韻

吳純叔

秋光滿目喜涼雨初收輕風方甬林裏黃金粟綴白
檀香簇此花不是人間有試憑闌瑤峯青矗淮南小
隱天竺餘芳賞心寧足○記舊日凡葩在逐都不比

而今酒闌歌續天上仙姿佳客紛然臨辱折花把酒
幽閒境看尊前雙鬢仍綠但期世泰兵銷日日本濱

山曲

倭兵初退故云

水龍吟

次韻和陳均從吹簫曲

劉伯溫

秦臺

秦穆公女愛吹簫築臺居之後乘鳳去

人去無蹤空餘綠樹連天

表瑤京

天上有白玉瑤京

路遠縵山

在河南王母生處

夜永離愁縈

繞露咽玄蟬霜淒白鶴月寒煙裊想孤鸞舞罷碧桃

花盡長是怨多歡少○夢裏駢車過處見蒼梧

世傳舜葬

梧

九峯青小修篁染淚

世傳二妃思帝

滄江流恨年

年不了廣莫風

八風有廣莫風東北風也

悲昭華

昭華玉管名

玉冷聲

沉雲杪又扶桑日上靡萍光散蓮池春曉

感懷用前韻

劉伯溫

雞鳴風雨

詩風雨如晦雞鳴不已

蕭蕭側身天地

杜詩側身天地更懷古

無劉表

用依劉事

啼鵑迸淚落花飄恨斷魂飛繞月暗雲

霄星沉煙水角聲清裊問登樓王粲

粲依劉表登樓

中白髮今宵又添多少

杜詩顛紫頻看鏡行藏獨倚樓

○極目鄉關

何處渺青山髻螺低小幾回好夢隨風歸去被渠遮

了寶瑟弦僵

弦和則調
協音諧

玉笙簧冷

簧煖則聲清字正

冥鴻天

杪但侵階莎草滿庭綠樹不知昏曉

寫懷

王止仲

塵路風花煖空晴絮游絲騰有縈繁處客懷幸自不
禁愁啼鴈又恁催歸去○細草春沙垂楊古渡忘機
可得如鷗鷺平湖却也慰人心片帆不礙煙中樹古詩

雲中辨
江樹

答王濟之

吳原博

短籬重過詩筒生朝引起東隣興厯歌舊調恭承新

約年年來慶酌則鄉人不以軻書斯須之敬愧雲路

先驅

吳登第在王前

老婦當時學舞柘枝

古有老婦舞柘枝之喻謂過時也

腰硬○如今細數行年若流水吾心不競

石曼卿詩水流心不

競

多謝纍纍珠玉客郎將何為贈賴菴居一物堪分

月兒端正期生子攀月裏最高枝吾言非佞

祝王公生言

詞非佞

咏梅

楊用修

漢宮嬌額塗黃

舊詩漢宮嬌額半塗黃

風流蚤露春消息鉛華

瑩雪冰肌照水盈盈無力弄影輕顰向人微笑芳心

誰識對珠簾不掩綺牕半露嫣然一笑傾國最恨昏
黃月黑迷花叢枝南枝北壽陽粧減壽陽公主梅花點額遂成梅花
粧羅浮夢斷春宵一刻皴玉誰溫凝枝自煖空勞相
憶正香殘漏悄燈昏酒冷此情何極

題情

文徵仲

依依落日平西正池上晚涼初足看太湖石畔疎雨
芭蕉簇簇院落深沉簾櫳靜畫闌曲猛然問何處玉
簫聲起滿地月明人獨○風約輕紗透肉掩凝酥盈
盃新浴一段風情滿身嬌怯恍然寒玉青團扇子欲

舉還垂幾番虛撲夜闌獨笑還又淒涼自打滅銀屏

燭

應扇
字妙

鄆城道中次劉伯溫韻

伯溫詩次和附
詞從云筆曲

吳純叔

腰間寶劒雄鳴一身何事畱江表玉堂寥泚蓬萊清
淺夢魂常繞猿狖窮山竹梧蠻府戟門飄裊歎流年
如許虛名相誤勲業半生全少○念昔崢嶸志氣奮
雙鞬八荒猶小豈知今日英雄老矣折腰未了天地
生吾風塵終歲水涯山杪但歌殘伏櫪處仲恒歌
曹瞞詩老驥

伏櫺志悲深攬鏡從昏達曉
在千里

齊天樂

午日宴中作

吳純叔

幾人得在家鄉老蒲觴再逢重午榴火烘人榆錢滿
地竹院梧垣無暑鶯聲未歇况細雨初晴疎簾乍舉
角黍筵前試看畫扇長生縷○常憶蒙恩賜宴憂心
對酒不似而今無苦彩筆詞新朱絃歌妙何異神仙
儔侶溪山有主喜川競舟龍門懸艾虎寄語良朋年
年常似許

玉蝴蝶

梁生鎮園亭有蘭名玉蝴蝶卽席賦一首

楊用修

蝴蝶不隨春去玉英瑤藥猶自娟娟瀟灑水邊林下

洗淨朱鉛嫦娥來梁園

漢梁孝王園也

月下青女降楚畹

楚辭

滋蘭九畹樹蕙百畝

霜前更山陰

王右軍蘭亭也

婆娑一老觴詠羣賢

○當年紫莖綠葉紉華擁珮故事陳篇何似今宵長

歌石磴瀉紅泉醉歸去香携滿袖似相逢解珮江仙

神女遇鄭交甫解珮江干

散塵緣猗猗一曲

古有猗猗

瓊軫冰絃

擬豔

王三美

記得秋娘家住臯橋西弄

臯橋在閬門內漢臯伯通所居弄小巷也今作街

疎柳藏鷗翠袖初翻金縷

曲名鈎月暈紅牙啟朱唇含

風桂子喚殘醉微雨梨花

二句不減宋詞最堪亭王纖親自

濃點新茶○嗟呀顛風妬雨落英千片斷送年華海

角山尖不應飄向邴人家惹新愁高樓燕子

張盼盼居燕子

樓人淚芳草天涯况潯陽偶然江長一曲琵琶

白樂

天遇商人婦作琵琶行謫官江州

花犯

秋夜

劉伯溫

夜何其

毛詩句也

星移漏轉涼蟾照無睡寶箏絃斷金雁

與青缸相對憔悴塞鴻過盡人千里餘香怨繡被但

滿眼碧雲紅樹闌干空自倚○階前暗蛩最殷勤悽

悽似向我說他情意莎露相將到曉霜開藥惟應有

素娥未老曾幾見桑田成海水

西王母上元夫人語

任浪語愁

來堪遣君看明鏡裏

鬢髮星星愁來詎堪遣乎

喜遷鶯

亦名鶴冲天

答賀其厚

解元賀恩字其榮其厚乃兄也

吳原博

蓬門朝啟笑委巷荒涼誰施朱
榮京國繁華貧居幽僻村隅
依然堪抵却有三間破屋能作
故人客邸稱

壽處吾見其兄若逢其弟○好
禮爲我再解金龜實知

章解金龜買酒當槽坊京師賣酒者謂之開槽坊新醴狂客如君謫仙非

我何事將樽俎洗且復呵開凍硯親手探詞源底歲

旣暮肯謝雪家茶盧仝有茶歌乞顏公米魯公有乞米帖

寄胡在軒且約高曉之會
楊用修

東風如剪早見芍藥努牙牡丹生卯雕檻深籠芳屏

曲護珍重春工猶淺回首上林何處金蘂玉房心嬾

吟筆健認香山白傳徘徊華館○看花君具眼擊鉢

詩成

齊竟陵王子良宴客擊鉢賦詩

刻燭無妨短

又梁上秦刻燭賦詩文不加點

目送孤鴻手提雙鯉一水盈盈未遠何日棠舟蘭棹

飛下雲濤千轉日暮也望昆明天外碧雲初捲

皆演中鼎

物

春雲怨

飲酒作

王元美

風傳雨憊漸柳眠無力花如中酒睡怯象牙寒悄幽
夢回渾不就燕撈華絃鶯調清管細譜新詞杜鵑囁

詞餘遺 卷之五 三
味卽行路方難歸期無據愁與悶相守○芳醪點出
天公手解翻寒作煖攬辰成酉枕畔華胥甞拖逗青
眼朦朧一任長門送來銀漏未舉尊前乍停杯後半
刻也堪白首

賽天香

妓讌

楊用修

芙蓉屏外倒金樽滿座艷歌凝咽半面新粧香透幌
環珮珊珊步怯接黛垂鬟低聲小語問採香仙妾柳
嫋花停鶯鶯燕燕標格○媚眼射注檀郎雙鴛全露

裙底淩波襪萬斛臙脂傾在水染就銀河一色天作
紅墻山爲翠幕生把伊儂隔離魂牽夢回南浦涼月
花心動

懷古

劉伯溫

墻下紅葵向斜陽猶開那時顏色半捲繡簾獨倚雕

欄淚眼爲誰長滴九疑

九疑山在零陵舜葬處

煙霧連蓬島蜚

魚去渾無踪跡舊游處空餘滿地綠苔堆積○百歲

真如過客待落藥重榮不知何夕競掩素塵香歇羅

衣此恨怎生消得夜涼月轉梧桐影青燈共疎螢寥

寂正憔悴饑蟲又啼暗壁

無限離愁豈至正末浮沉
宦海未遇太祖時作耶

雙調翠樓吟

代送大理蔡太守

大理一名大禮宋徽宗
大理國也今入職方

楊用修

月晃蒼山

大理倚
點蒼山

風清黑水

洱海也

花滿原鱗城雉燧

松明夜火歌來暮

廉叔度五
袴謠也

似成都市五華樓閣看

五馬迎恩雙鴻送喜遲遲畧行春金碧照春金紫○

此邦宜有循良擁玉麟銅虎

玉麟符銅虎
符皆太守事

旌旗旖旎

葉榆

葉榆巨浸
滇中地名

難借冠

河內太守

望登仙

班生此行
何異登仙

香塵

遙起攀軒舉正紅
頰窺簾華顛臥軌
畫圖外甘棠陰裏
心馳千里

尉遲杯

咏水仙花

徐武功有
水仙賦

劉伯溫

凌波步怨赤鯉不與傅
槭素空將淚滴珠璣脉
脉含情無語瑤臺路永
環珮冷江皋荻花雨把清
魂化作孤英滿懷幽恨誰
送○長夜送月迎風多應
被彤闈紫殿人妒三島鯨
濤迷天地歡會處都成間
阻淒涼對冰壺玉井又還
怕祁寒凋翠羽盼瀟湘鳳
杳篁枯

賞心惟有青女

青女霜也

霓裳序中第一

雨中劉珥江送雞頭栽

楊用修

青霞裁霧縠正錦湫瑤潘

潘水也

碧澳水底鮫人

鮫人海人

成珠織女當翠房深處新粧乍沐塵消羅襪冶步盈盈

出鱗屋向何許滿身瓔珞雲轍轉風轂○皎鏡全澄

獨漉相掩映荷裳芰服昨夜龍宮失曉也養天雞啓

明

東曰啓明曉星也

傳旭啄糧無半菽○筭只有明珠滿腹

江妃把金針穿玩遞與素娥掬

玄宗軟溫新割雞頭肉仰吳中茭實也

望湘人

春日花前咏懷

唐伯虎

想盤鈴傀儡

戲棚也

寒食裹蒸

食物也

曾嘗少年滋味凍

勒花遲香供酒醒又筭一番春計鏡裏光陰尊前明

月眼中時事有許多閒是閒非我說與君君記○道

是榮華富貴恁掀天氣槩霎時搬戲看今古英雄多

少葬身無地名高惹謗功高相忘我且花前沉醉管

甚箇兔走烏飛白髮蒙頭容易

子畏失意而歸故語多任達蓋自遣之辭

也

薄倖

春情

楊用修

碧雞

碧雞金馬蜀中神名借曉雞用

催曉正話別匆匆未了又咫尺

銷魂橋上南浦綠波芳草記昨宵醉褶羅襟玉山判

爲金樽倒愛皎皎當牕盈盈隔水那箇人兒窈窕○

自油壁香車去後路遠西陵月悄恨同心帶緩露蘭

啼歇多情却被無情惱最縈懷抱把雙雙骰子重重

喝采占佳兆桃花有意前度劉郎未老

劉夢得玄都觀詩玄都觀

裏桃千樹盡是劉郎去後栽

風流子

一名內家嬌

七月晦雨晴登虎丘五臺致爽閣作

致爽閣宋建今

改文昌祠文昌何預虎丘役僧見利如五瘟雲長等祠布滿山中殊累巖壑

吳純叔

雨痕消已盡長空靜皎日映江流看寒草都腓衰林

漸薄翠荷遍野黃橘連洲

丹陽太守李衡種橘于株干武陵龍陽洲上

新

晴好抱琴遵竹浦載鶴共蘭舟近市炊煙隔林樵唱

蒼茫望遠窈窕尋幽○晚來還着屐窮巖壑更上絕

頂飛樓何事西南爽氣

問名取西山朝來致爽氣晉王子猷語

偏對吟

眸指青巒萬疊澄川百道遶闌分明似畫難收方信
三吳佳景盡屬清秋

沁園春

戲作骷髏圖就題

梅花道人

吳仲珪
嘉禾人

漏泄元陽爺娘搬販至今未休吐百種鄉音千般扭
扮一生人我幾許機謀有限光陰無窮活計汲汲忙
忙作馬牛何時了覺來枕上試聽更籌○古今多少
風流想蠅利蝸名誰到頭看昨日他非今朝我是三
回拜相兩度封侯

雖拜相封侯到死也只是骷髏

採菊籬邊

指陶令

種

瓜圃內

平 指邵

都只到邙山一土丘

北邙山在洛陽
塚墓最多故云惺

惺漢皮囊扯破便是骷髏

此圖藏於上海董蛟門家
隆慶改元十二月抄錄此

係元人偶
附于此

春霽

劉伯溫

昨夜園林纔聽雨
鉤簾滿眼晴色濃
靄旋消淡風微
颺軟絮柔絲輕織
乍翻腴翼傷簷新
燕低無力遍徙
倚池上畫欄雲影亂
澄碧○謾道逝水飛塵相將九
十韶光誰解分得
況千金清宵一刻
用春宵一刻
值千金句花
香月色兩相宜
客裏倦懷時自適
幾許吟嘯才情更

付遊人醉邊芳艸舊時南陌

答周原吉慶五十

吳原博

蠟炬銷銀夜調新詞美成再來

宋周美成善詞

覺癡年漸長

何生可畏秋藤垂雨春筍驚雷傅菊堂中夢梅室裏

兩處尋常幾往回顧他日竝舟射瀆

水名不接履胥臺山名

○命官浪把韓蘇比磨蝎

丑官也

於人安取哉想共瞻

山斗河干重望如開武庫是甚高才雪擁藍關風清

赤壁落得平生允手推但持酒信人生萬事有命安

排

韓文公以磨蝎為身官蘇文忠以磨蝎為命官平生得謗譽皆因此

秋山訪隱作

趙栗夫

藜杖敲雲稍衣，
霈露斜抱絲桐間。
釣臺

嚴子陵

何處鹿

門

龐德公

無恙心隨流水，
目送飛鴻

古詩手揮五絃目送飛鴻

字徹

微霄林含餘霽，
墅外秋光自不同。
行還憇過三义路

口萬里橋東，
幽人茆屋山中。
白首淹留桂樹叢

淮南

小山招隱語

望丹崖青壁萬尋，
千疊石頭有路一逕。
纔通

軒冕虛花身心實用，
何事驅馳任轉蓬。
如相見願執

鞭爲後沒齒從公

送卞蘇溪歸叙州

唐戎州古

楊用修

歸去來兮羨公高致采里

陶令居栗里

堪齊記繡斧行邊

風生貴竹

今貴州別名

青油開府月朗雕題

雕題黑齒南夷飾也

黑

髮功名

唐詩帝師黃閣老人羨黑頭公

丹心事業卿棘

卿九棘也

公槐

三公

此行可躋問何事急流勇退力挽難稽○公言其豈

栖栖奔走紅塵早歲迷况夜鶴帳中滇雲直北春鵲

花底蜀日平西布襪青鞋水邊林下尋壑經丘一杖

藜喜吾鄉散仙多侶勝日招携

吾鄉綿州高瓦屋富順謝右溪成都許玉

林遂寧王梓谷皆未老力求歸

自壽兼謝鈍菴

楊用修

初度今年遙集勾東丹壺洞天記京國俊遊築金臺
上鄉亭舊話濯錦城邊兩地萍蓬十年煙月欲往從
之如絆然今何夕滿堂花醉重對華筵○新楊窈窕
春妍綠萼梅花開最先况鳳侶潘楊兆呈瓊齒龍祺
秦晉應在水泉畫裏蕭郎甕中畢窆絳帳風流羣桂
仙上雲樂傾壺簫管白髮重玄

秋日侍讌真趣園作

謂尚書白樓公也

吳純叔

震澤波澄虎丘雲淨又見秋風有竹下茆廬松邊莎
徑千尋翠石幾樹丹楓地上神仙山中宰相

陶弘景世目爲

山中長奉朱顏白髮翁承歡處更不須絲竹笑語融

融○庭前昨夜飄桐雨後涼生暑氣空感天壽椿年

莊子大椿八千歲爲春秋人安蔗境領長康啖蔗從尾至本云漸入佳境橙香別浦

桂長芳叢坐擁斑衣行隨竹馬開讌高堂畫檻東對

溪山念甘旨雖薄不美三公唐詩閒能資壽考健不換三公

賀新郎

答朱天昭慶五十

天昭官御史湖廣副使卒吳原博

分袂嗟何久天一方望美人兮吳趨坊天昭住坊名口今

日喜重逢燕地不見雪花如手正殘冬晴明時候賤

子行年剛半百征車來帶得閨門酒歌一闌酌三斗

○况君本出睢陽後便如五老來吾壽更把筵中詞

客數又合着香山九

白樂天香山九老會

眼底事大非都偶春

半報君惟兩語喚小僮急向西樓走金榜首題朱某

禾天昭者名文玉峯父也本睢陽五老之後而是年爲弘治九年丙辰正玉峯殿試居首亦詞議矣

送賀長洲之京

賀名府渭南人

吳純叔

三月韶光好正春風桃李芳穠絃歌聲繞試看金昌

亭畔路滿地棠陰不掃羨玉壺冰輪秋皎暫照長洲

多惠政笑從前畧展經綸小五色詔來天表○九重

召用恩偏早任教取板留是處兒童父老綵舟望望
登仙去何慕十洲三島對宣室寵榮非少會見玉京
金闕下擁繡衣驄馬長安道長待漏龍樓曉

謝袁履善惠酒

袁名福徵華亭人

王元美

春意歸風雨到如今緩紅舒翠一番重起况更索居

無一事鎮日琴書而已待醉也如何得醉多謝白衣

能遠致把葛巾

陶淵明漉酒用頭上葛巾

忙却科頭

科頭箕踞長松下

倚

胸磊塊

見前

故應洗

○瓊膏慢入清尊細似當年掌

分莖露

漢武帝作金莖承露盤

雪消春水欲折筒荷充泛駕憑

借麪生

酒也

爲馭直引到華胥路裏

黃帝夢遊華胥

遮莫歸來

遮莫儘教也

問姓名道清真袁粲

劉宋袁粲字景倩負才尚氣詩酒自適以比履

善

頻爲主天下事任公耳

瑞龍吟

杏花

楊用修

東風峭誰猜水剪餘霞日烘殘照粧成窺宋東牆傾
城傾國嫣然一笑輕籠罩葉底煙開冉冉枝頭春鬧
燕泥香裏斜陽酒旗映水天涯一棹○消息繁華誰
報記曲江池上長安古道愁落愁開雨橫風暴沈吟

無語時把朱闌靠知誰伴單衫露冷醉紅簪帽倚醉
狂歌浩悠悠盡是傷離調花艷爲誰好春又晚可惜
年華空老關山迢遞故人難到

多麗

晚春雪後卽景

王元美

醉飛瓊

許飛瓊也

惱亂瑤池清讌

西王母讌也

吉玲瓏鳳釵敲

碎蕩成滿地飄霰送天桃武陵幾樹伴梨花杜曲千

片

梨花桃花春正開而遇雪借以形容春雪

妬我春衫粧他寒食乍驚蜂

蝶又倩鶯燕

寒食蜂蝶鶯燕皆在花間奈雪何

五陵畔雜和煙雨寶

馬踏青轉樊樓上

在汴京徽宗曾
御遇李師師處

銀箏細炙紅爐重

煖○怯寒色條桑小婦羃羅

女人遮面巾名

輕護嬌面轉纖

彎一雙蓮瓣屐齒香泥粉痕淺冷落流光萋迷餘景
東風無計玉山軟天公老被伊瞞過紅日幾時見空
檐閣無主野芳滿目愁怨

怨朱絃

和王明佐新聲慰其不遇名曰怨朱絃

王元美

譜朱絃一片秋聲萬壑松濤銀漢初傾挾偏侯門沈

深似海雕闌十二嬌鶯流蘇帳底小按銀箏啞啞軋

軋嚶嚶罵書生煞橫捻冷裴酸攪破春情我道高山

流水

志在高山志在流水伯牙琴也

渠道香雲煖雨兩語難憑怎能

勾師涓老子

晉樂師

證箇分明○酒人哉七首荆卿宋

意悲歌高漸沾纓

皆燕太子送荆軻事

應徵

音止

飛霜倚天雌霓

入長河倒瀉珠繩蒲萄尚煖蝴蝶猶縈陡被杜宇啼

醒道不如歸去來今任汝縱橫魚爲洞庭清樂

張樂洞庭

鳳爲蘇門長嘯

孫登居蘇門山善嘯

飛躍爭聽何須借天公

兩耳枉施瑤京

小諾皋

唐段成式著西陽雜俎中有諾皋記續俎又有支諾皋

偶有所感信筆爲長短句一首第以新名不足繩曰小諾皋蓋取西陽生之旨云耳

王元美

闔闕以前乾坤之外到了不堪窮際儘追求儘都胡突依形附氣指康節何處小兒譫語羞殺井蛙垤蟻說

甚麼出世住世治世黃面瞿曇佛也青牛老子道也更有

那我家司寇儒也伎倆一般而已賺人處還在此○稷

下萬言河間千卷齊魯下諸儒所聚河間獻王藏書至多畢竟沒須巴

詩餘選

卷之五 詞

三

三十一

鼻莫輕容古人瞞過常談俗事裝點幾張故紙無奈
藏頭露尾不採他上計中計下計濁酒三杯清琴三
几別饒借淡風微月受用剩山殘水五更事休辦取

雖涉放言寔中陳腐
逐談吐豁胸中痞隔

清風八詠樓

送朱彥謫之東陽朱元吳人偶寓其郡

王止仲

遠興引游踪遍踏天涯芳艸偏愛雙溪好

其地有雙溪之勝故

日明月雙溪水

有隱侯舊跡

建人約守東陽

層樓雲表

清風八詠樓

碧霞丹嶂看縹緲憑闌吟嘯偶佳遇裴航

遇仙有云玄霜歲星旋又週了○歸期誰道無據幾

回首興懷故林猿鳥今日相看但得翠樽同倒南翔

仍訴幽抱朱此時暫歸約來擬待春空杳與鷓鴣鴻

侶共還池島

漢宮春

菊席

楊用修

采采黃花向龍山高處淺汎金卮秋容老圃堪賞插
鬢參差楊妃沈醉苧羅更比西施可笑羣兒凡目品

題汗却高姿○千古陶家清興有何人提著冷落東
籬炎皇曾書本草壽域仙蕤明堂月令挺孤芳四字
標奇歌一闕悠然自適無絃琴陶潛醉撫無絃琴是心知
鶯啼序

高曉海莊十二景圖

楊用修

碧雞唱曉霞散綺重關愴畫環村步幾族生煙空翠
幻作仙界菱艸蕩灣環洲渚輕風送幅蒲帆快看舞
鷗飛鷺聯翩向次寥外○晴兆須臾雨信頃刻問水
椿山帶樹羽颺風展青帘駁霞銷暝日曬浪花平洛

神觀襪紅粧湧出青羅蓋浮修眉約畧黛螺映盤鴉
髻

又

梅花汀藻文石錦沙綸組迎船絳魚火燄漣漪倒影
歸棹穿方罫蒲牢

鐘鈕也

昏吼栖鴉結陣入村九寺鳴

蕭簾提筠籃金線穿魚賣松燈點點互月彩臥玉塔
浮瀾素娥窈窕千態○翠巖深靄禪室僧歸杖錫微
徑隘月黑白林明處香軟寒輕蕙苳缸中梨夢縈唄

明梵
唱也

南蠻老松遙看晴雪似銀龍下斟玉瀝洗塵襟

著得乾坤大輞川

王維有輞川莊

何似吾廬海變春醪償風

月債

箇儂

豔情

楊用修

恨箇儂無賴嬌賣眼春心偷擲蒼苔落花一雙先印
下月樣春跡聞氣不知名似僊樹御香水邊韓國羅
襦襟解聞香澤雌蝶雄蜂東城南陌何人輕憐痛惜
窺宋玉隣牆巫山寧隔○尋尋覓覓又暮雲凝碧良
夜千金繁華一息楚宮吟睽畱客愛長袖風流鐘情

何極唱道是鳳幃深處附素足顫裊周旋惡憐伊儘
傾側叫檀郎莫枉春夕恐佳期別後青天樣何由再
得

六州歌頭

弔諸葛

楊用修

伏龍高臥

孔明為臥龍

三顧起隆中

昭烈三顧隆中

割宇宙分星

宿

井絡蜀分也

借江東祝東風端坐舌戰徂公激公瑾

周瑜

字

連子敬

魯肅字

呼翼德

張飛字

揮白羽楚江紅烏鵲驚

飛虎踞蠶叢

古蜀地名

地炎燄重融吞吳遺恨在

杜詩遺恨失吞

詩餘選

卷之五

五

吳受詔永安宮

昭烈崩於永安宮即白帝城也

盡悴蒼穹鑒孤忠○

念行營艸出師表心匪石氣凌虹歲去志年馳意早

成翁目斷咸

咸陽

潼關

出五丈

原名

旗正正鼓鼙鼙天亡

漢將星隕

大星墜而孔明卒

卯金終巾幗食槽司馬

夢三馬同槽而

食竟北司馬氏之墓

生竟走死

死諸葛生仲達當時語也

壘遺弓遣行人到

此千古氣填胸多少英雄

霜天曉角

石湖弔古

石湖在吳縣西南宋徐小巖范文穆公別業今廢

雲流石嶠空翠連煙艸丞相祠湮

謂范石湖書院也

緱山冷

月玉笙吹香見幾時幽楓呼鳥梵宇高竹僧悄

王願吉

湖草堂有美竹今存

○干霄事業兄弟聲華烈

疑指履約履吉兄弟詩酒

詞場亂野狐回首文章沒曲曲湖梁一片秋光織總舊日梁間燕子歸也擬作尋常識

過采石磯題蛾眉亭

在太平府采石山宋郡守張環建前有博望梁

山夾大江對峙如眉故名

徐小淑

練波飛渺月掛弓彎皎雲濕林皋香風幽氣吐花巖老風撼蛟龍嘯江白漁歌杳樓瑣冷煙迷眺剝繡斑平沙曉○雙巒鬪碧寒玉雕秋壁兩道凝螺天半橫

言信是
無限青青色
拍听濤聲急
似鼓臨邛瑟
綠牕鸞去鏡
臺空畱得春山跡

九日泊舟豫章道中

徐小淑

帆輕一扇曉色碧
漣秋岼林破寒煙
星河澹落青山如
染露浥芙蓉茜翠
澀枯棠瓣疎柳西
風幾點關鐸沉雞
塞遠○行行尚緩
家在綠雲天半念
歸舟游予一片鄉
心撩亂菊黃金綻
滿首柿茱萸遍兀
坐逗過江畔對旅
雁沙汀吟殺白蘋
秋苑

類編箋釋草堂詩餘卷之五

合刻類編箋釋艸堂詩餘序

先刻艸堂詩餘無如雲間顧汝所
家藏宋本為佳繼坊間有分類注
釋本又有毘陵長湖外史續集本
咸鬻於書肆而於國朝未遑也

惟注釋本脫落繆誤至不可句太
末翁元泰見而病之博求諸刻愈
多愈繆乃倩余任校讐之後又命
余搜葺國朝名人之作并毘陵
續集盡加注釋凡三編焉刻既成

溲請序其事余於末編稍吐緒餘
僭書其上矣茲又何言哉惟是見
聞不廣遺漏尚多顧吾海內君子
憫其濶落出所珍藏俾付翁氏以
類添入或更為一卷庶幾雕繪滿

眼雲錦爛然詫為大全不亦美乎
若夫詩之名餘堂之名艸已具前
言茲不再瀆

萬曆甲寅長至日老生錢允治撰

長洲陳元素書